

**Protocol da la sezzüda dal Cussagl cumünal da lündeschdi,
20 lügl 2009, a las 20.00, acta 24**

Preschaints: Jon Carl Rauch; Chasper Alexander Felix,
Jachen Andri Schmidt e Georg Salomon
Rico Zini (protocol)

S-chüsada: Marianne Werro-Lehmann

Tractandas:

206. Protocol

Il Cussagl cumünal approva il protocol da la sezzüda dals 13 lügl 2009, acta 23.

Protocol

207. Orientaziuns

Orientaziuns

1. Sezzüda dals capos

Ils capos da Scuol, Ftan, Tarasp e Sent han in lur sezzüda discus tanter oter sur dals seguaints temas:

Fusiuns da cumüns

Il plan da termins per la fusiun da cumüns as prouva da stumplar uschè chi's pudess büdschettar il concept pel on 2011. Sairadas d'infuormaziun gnaran fattas i'l fratemp pel public in mincha cumün separà.

Restricziuns da 2. abitaziuns

I's vess pudü preparar üna varianta coordinada tanter ils cumüns. Sent ha però intant tut per mans in aigna reschia fingià la problematica. Tschels cumüns seguiran bainbod.

Canorta

I's es in discussiun d'installar eventualmaing la Canorta, davo cha l'Impraisa electrica ha fat müdada sül @-Center, illas localitas veglias da l'IES. Quista varianta füss plü ideala, sco cumprar e metter containers sü pro l'Asil Punt'Ota.

2. Cità d'energia

Il capo e'l schef d'energia orienteschan sur dal stadi actual per raggiundscher il label "Cità d'energia". Per survgnir il label s'haja da muossar sü 198 puncts da 396 (50 %). Sent ha intant 131 puncts (33 %). Per lavurar inavant as voula eleger üna cumischiun cun glied independenta dal Cussagl cumünal.

3. SÜP

Als 22 lügl 2009 ha lö la radunanza da la SüP. Il schef d'aua piglia part. In quella radunanza gnarà discuttà sur dal proceder per quai chi pertocca ils mantegnimaints dals bügls.

4. Chava da glera a Parnarsura

Il schef da god infuormescha ch'el, e'l manader tecnic hajan üna sezzüda insembel culla PEB e culla firma Uina SA a regard l'andamaint e l'avegnir da la chava da glera.

5. Festa dals 1. avuost

Il Cussagl cumünal decida da tour a fit eir per quist on la tenda per la festa dals 1. avuost.

6. Sömmi Bar

Al 21 lügl 2009 ha lö üna sezzüda culs respunsabels dal Chantun a regard la prolungaziun dal permiss per la Sömmi Bar. Our da quist motiv ais gnü prolungà il termin per tour giò ils indrizs fin la fin da lügl.

209. Dumonda da fabrica – Johann Otto Taverna – Ingrondimaint d’abitaziun – Via d’Immez

Sar Johann Otto dumonda da princip ün dret per fabrichar plü dastrusch al cunfin cumünal per far lavurs d’ingrondimaint vi da sia chasa. Tenor la ledscha da fabrica s’haja da tgnair üna distanza da 2.50 meters cul cunfin da la parcella. Our dals plans inoltrats resulta üna distanza da 2.10 meters. Il Cussagl cumünal nu vezza ingüens motivs per na conceder il dret per fabrichar plü dastrusch. Per quai chi pertocca l’estetica dal proget vain resguardà il cussagl dal planisader cumünal.

Dumonda da fabrica,
Johann Otto Taverna,
Ingrondimaint abitaziun,
Via d’Immez

210. Collavuraziun culla pulizia chantunala

Il Cussagl cumünal repassa il contrat e la convegna da prestaziun punct per punct. Las correcturas fattas vegnan integradas e scleridas cul chantun.

Il Cussagl cumünal revain amo üna jada sülla tractanda, per chi’s possa far bun il contrat per til manar avant radunanza cumünala.

Pulizia cumünala

211. Adattamaint da la pista dal sömmi

Il schef da fabrica orientescha sur da las lavurs previssas per gualivar oura in tscherts lös la pista dal sömmi. Il Cussagl cumünal decida da far bun quistas lavurs per chi’s possa trametter la documainta da fabrica al Chantun per la procedura dal BAB. Quella procedura vain fatta insembel cun Scuol.

Adattamaints vi da
la pista dal sömmi

212. Diversas schefs

1. Immundizchas

Il Cussagl da scoula dumonda cun charta schi nu füss pussibel, causa motivs igienics (scoulina), da schoglier la deponia da las immundizchas a Schigliana. Il schef d’immundizchas orientescha chi’s saja landervia ad elavurar ün concept ed i’s provarà scha mez e pussibel da schoglier quella deponia. Il prüm vain però fat la deponia in connex cul lavuratori a Palüzot. Quist on chi vain as tschercha üna soluziun per far üna nouva deponia in Plaz. Cur cha quella es fatta as pudessa eventualmaing levar la deponia da Schigliana.

2. Sanaziun dals tirs da schaubgia

Il schef da fabrica orientescha cha la Geotest scriva oura las lavurs per las sanaziuns dals duos tirs. Ils cuosts per quista lavur s’amuntan sün fr. 2’100.--. Causa cha l’offerta es fich favuraivla e la firma ha l’experienza, decida il Cussagl cumünal da surdar la part dal sriver oura fin pro’l rapport da la surdatta a la firma Geotest. La sanaziun dal tir a Parnarsura es previssa da far d’utuon e quella dals Clüs quist on chi vain.

Diversas schefs

213. Varia

1. Serrada da la via a Sala

Tenor il Cussagl cumünal nu d’eira l’organisaziun e la publicaziun da la serrada da la via statta in uorden. Il permiss dal chantun d’eira avantman, però l’infuormaziun vers il public nu satisfaiva. Il schef da fabrica contactescha la firma da fabrica per muossar via sün quists fats.

2. Radunanza d’orientaziun – Planisaziun cumünala

Il schef da fabrica orientescha cha’ls artichels in connex culla planisaziun cumünala sun per gronda part elavurats. Uschè cha’l Cussagl cumünal po illas prossmas duos eivnas far bun il sböz. Ils müdamaints e las infuormaziuns vegnan davopro publichats aint il Mas-chalch e la gliעד po lura far lur ponderaziuns. Circa duos eivnas davo il Mas-chalch (2. mità d’avuost) segua lura üna radunanza d’infuormaziun ingio chi’s po tour incunter las ideas e’ls giavüschs da la populaziun.

Varia